

تورکیا بیوک ملت مجلسی

ضابطہ

یکری دردنجی اجتماع

مندرجات

۲۳ نیسانک ملی پارام اتخاذ ایدلمسی حقندہ کی تکلیف قانونینک مذاکرہ رقبولی

برنجی جاسہ

رئیس: برنجی رئیس وکیلی حسن فہمی بک افندی

کاتب: ضیاخورشید بک (لازستان)

۲۳ نیسان - ۳۳۷ - جمعہ ابرئسی - ساعت ۲ صکرہ

شمعی او قونہ جقدر .

بیوک ملت مجلسی ریاست جلیلہ سنہ

علوی و مبارک تاریخ ملی یہ مبدأ اولان ۲۳ نیسان
کونک اعیاد ملیہ دن عدندہ کی اصابت و ضرورت ہیئت
جلدہ آرینک معلومیدر . مجلسک ایکینجی سنہ کشادینک
ایلک کونی اولان بویوم مبعجلی خاطرہ ملتہ علی الدوام
یانامق ایچون ، آتیدہ کی قانونک قبولی و بوکون باشقہ
ہیچ برمادہ مذا کرد ایدلیہ رک قبولندہ ہر کسک متفق
بولندی بی بواساسک انجمنلرہ کیتہ سندن صرف نظر
اراہ ق همان بو جلسہ دہ و مستعجلاً قبولی تکلیف
ایلرز .

تکلیف قانونی

مادہ ۱ - تورکیا بیوک ملت مجلسنک ایلک یوم

رئیس - مجلس کشاد ایدلی . ضبط سابق خلا -
صہسی او قونہ جق (کاتب ضیاخورشید بک طرفدن وقوندی)

ضبط سابق حقندہ مطالعہ و ارمی؟

مصطفی افندی (توقاد) - ہم تقرریم ضبطہ
کچمہ مشدر .

رئیس - خیر او بشقہ . ضبط سابق حقندہ
سوز ایستہین و ارمی؟ (خیر سسلری) ضبط سابق
قبول ایدلی .

افندیلر ، حقک ظلمہ جبروتہ قارشی غلبہ نی نجلی
ایتدیرن و شرق تاریخ سیاستدہ مهم بر انقلاب مشبئی
اولان مجلس عالیکنز بوکون سنہ دوریہ اجتماع سنی انک
ایتمش اولور بو مناسبتہ ۲۳ نیسانک عیدمل اولہ قبول
ایدلسی بولندہ رفقا طرفدن وینلمش ایکی تقریر وارد

کشادی اولان ۲۳ نیشان اعیاد ملیه دندر .

ماده ۲ --- تاریخ قبولندن معتبر اولان اشبوقانوک اجراسنه بیوک ملت مجلسی مأموردرد .

قره حصار صاحب	سینوب	سینوب
محمدشکری	محمدشوکت	حقی حامی
قونیه	جانیک	ساروخان
رفیق	محمد	رفیق شوکت
حکاری	بتلیس	کنج
مظهر مفید	عارف	فکری
ارغنی	بتلیس	سیورک
محمد امین	سعداه	مصطفی لطفی

رئیس --- ینه عین مآلده ایچ ایل مبعوثی شوقی بکک تقریری واردرد . شمدی او قونان تقریرک مستعجلینله روزنامه یه آنسنی قبول ایدنلر آل قالدیرسون . مستعجلیت قراریه روزنامه مزه ادخال ایدلدی . بوتکلیف حقنده سوز ایسته یین وارسه سوز ویره ییم .

وهی افندی (قونیه) --- افندم غایه ملیمک حصوانه مقدمه عد اولتان بو کون ، حقیقتاً بزم ماتمز ایچون بر مبعجل کون اوله جقدر (انشاءالله صدالری) فقط حقیقی غایه مزه واصل اولدیغمز دشمنلریزه تماماً قوتمزی کوستروب بالخاصه از میره ، اومبارک یار اغمزی دیکدیکمز کونده (اوده بشقه برکون صدالری) (بروسه یه سسلری) از میره واردقدنصکره هپسی اونلرک ایچنده داخلدر . افندیلر ، بوکبی یاراملر ملتک قلبندن دوغار . ظاهرده نمایشله بایرام اولماز . وظاهرده نمایشله ملتک قوه معنویه سی تأیید ایتمک ، تقویه ایتمک ایسترسه ک افندیلر ، بونلر عارضیدر . بونلرله تقویه اولتماز جار ایدرم ایچکرده بردانه خرسیتان یوقدر . اذان محمدی او قونیورده قطعاً مبالات ایتموروز . اگر ماتک قوتی تربید ایتمک ایتمک اعتقادنی یوکساتمک ایسترسه ک ملت اعتقاد نقطه سندن یوقاری قالدیرمق چاره سنه باقم .

یحیی غالب بک (قیرشهر) --- او بشقه افندم . وهی افندی (دوامله) --- فصل بشقه؟ بوکبی نمایشله اعتبار اولتماز و بوبابده یاییله حق برشی یوقدر . ماتمز غایه

ملیه سی تمامیه استحصال ایتدیکی کون قلبنده حقیقی بر بایرام باشاتیر ... هر فردینک قابنده بو کون، بایرامدر . رجا ایدزم بویه قانونه نه احتیاج واردرد ؟

فیضی افندی (ملاطیه) --- کچن سنه سکر ساعتلک برده حرب اولیوردی . بز بوراده متأثراً او طویورددق . حمد اولسون بو سنه عسکرلریمز ده ایلری کیتمشدر . وهی افندی (قونیه) --- افندیلر بایرام، نمایش برشی یاپماز . سوبایه حکم بودر افندیلر . فیضی افندی (ملاطیه) --- مقدس کونلری تقدیر ایتزهک او کونلرک قیمتی قالماز .

یحیی غالب بک (قیرشهر) --- معلوم عالیلری هرکس دوشونجه سنه کوره سوز سویلر . فقط خواجه وهی افندی هیچ روقت دوغری دوشونمور . مساعده کزله سویلیه حکم - (کورولتیلر) اگر سزک فکری بکزی بومانت طاشیمش اولسه ایدی . بو مجلس طویلانمازدی . بو اویله بر عبد ملی که بونک اوزرنده هیچ بر بایرام تصور ایدلر . حق الانصاف دوشونملی . بوکوز او کوندرکه : بوراده مجلس عالیکز تشکل ایتشدی . ایشته ملت فلاح وسعادت براتی اوکون آلمشرد . وانشاه بو الی نه یاه دوام ایده چک ، از میری ه آله جغز ، اونک ایچونده بر کون یاپه جغز . بروسه یی ده آله جغز . اونک ایچونده بر کون یاپه جغز . نه زیانی واردرد خواجه افندی ؟ مع هذا ایچو دوشونمک لازم کلیر . اوت ملت بو کون مسعوددر . سز بر قانون یاییورسکیز . یاپسه کزده مسعوددر . یاپسه کزده مسعوددر . فقط یاپارسه کز نه ولور . خواجه افندی حضر تلی ! بوکونی سواده کی ملککری بیله تجیل ایدیور ، سز نه ایچون تجیل ایتمک ایسته میورسکیز ؟ انصاف ایتمک لازم کلیر . انصاف ، انصاف . خواجه افندی مساعده ایت . سز بوزایه کونده . رنلر انکلیزلر ایدی . سز بوزایه کندیلر ککزدن ککریکز (کورولتیلر)

رئیس --- رجایلدرم یحیی غالب سوزیکزی کیری آلیکز . (کورولتیلر ، پاطیردیلر) یحیی غالب بک (قیرشهر) --- بو بر حقیقتدر .

افندم. افندی حضر تلری بورایه انکلیز لړك واسطه سیه وعین زمانده ترهن مخصوصه کلمشدی .

حمدي نامق بك (از میت) — بنده شادم .

طونلی حلمی (بولی) — اوت انکلیز لړ کوندر مشدر (شدتلی کور و تیلر)

رئیس — سوز بکزی کبری آلیکز یجی غالب بك .

یجی غالب بك (قیر شهر) — پک اعلا کبری آلد .

دها وار افندم مراق ایته بیکز . ملتی اصلاح ایتمک ایچون ... (باطیر دیلر)

رئیس — یجی غالب بك صده کیری بکز .

یجی غالب بك (قیر شهر) — نه باطیر دی ای دیور .

سکیز افندیلر ؟ بنم سوزیمی دیکله مکه مجبور سکیز . بن

کیسه می تحقیر ایته یورم . بك افندیلر رجا اینرم نه وقت

بویله عید ملی اولور ، مملکتک مسرتلی آنلری اولور ،

بونک ایچنه اخلاق اسلامیه صوقار لړ . بزبونی تمی

ایدرز که اخلاق اسلامیه تمامیه تجلی ایتمون . بونده

نقصان حرکت ایدن و اوسه شریعتک کوسترمش اولدینی

طریق دائره سنده بونلرده تأدیب ایلسون . بناء علیه

هر کون ، هر فرصدن بالاستفاده تمجید بلاوی کبی بونی

سویله مکدن نه چیقار ؟ بن اکلام یورم . [امر بالعرف

نهی عن المنکر] قاعده سنه رعایت اوزریمزه واجب ایسه

علما اوزرینه ده فرضدر . بونی ایفا ایتمکدن صکره

کیسه میه سوز سویله مکه حاجت قالماز که ...

جلال بك (اقتصاد و کیلی) — بنده کز لایحه

قانونیه اوقونجه مجلسک اجتماعه سائق اولان حقیقی

وضعتی کوزیمک اوکندن کچیردم . و اوندن اول برآن

ایچون متار که نک عقدی تا ایچنه قدر ارجاع نظر ایله دم .

اوراده کوردم که متار که نک عقدی آنندن اعتبار املتک حیاته ،

ملتک ناوسه ، ملتک مقدساتنه تجاوز ایلمش و اوراده مسلمان

عالمی بو تجاوزله اسیر ایلمک ایسته نلشدی . آناتولیده

ظهور ایدن بر قوت ؟ بتون عالم اسلامک پیشواسی اولان

آناتولی ، حق استقلالنه مظهر اوله جقدر ، اسارت مقرر

دکدر ، دیمشدر . واستانبولده مجلس ملینک اجتماعی

از قوتله تأمین ایلمشدر . بنده کز او مجلس مایده اعضا

اوله رق بوتانلردن طاجز بریسی می . اوراده متخبر لړمک دردی ، المریخی دوکک ایچین بو کون دخی دوام ایدن

از میر فحایعی ، اوراده تصور ایتمیکم زمانده انکلیز

سانسورینک و خلق نامنه صدای سکایتک دخی چیقار تمدیغنی

کورمش و شاهد اولمشدم . استانبولده کی مجلس ملینک

اسلام عالمده کی حقوقی مدافعه ایتمک ایچون بویله صدالری

بوغدیغنی زمانده افندیلر ! از میر اغلار کن ، استانبول

دخی عین فجایمه ۱۶ مارت تاریخنده دوچار اولدی . بتون

بشریتک خائن ورزیل دشمنی اولان انکلیز لړ صوک مقام

خلاقته دخی تعرض ایتمیلر . پاپاس (فرو) اسمنده

بر جاسوس مع الاسف سلطان عثمان نام مبارک نه انتساب ایتمش

اولان بو کونکی پادشاهی او و جنک ایچنه آلمش ..

نشأت بك (اسکدار) — اوده اونک کیدر . قهر

اولسون . (در ۱۵)

افندیلر هر حقیقی آچیق اوله رق سویله مک زمانی کلمشدر .

او واسطه ایله بتون عالم اسلامک ربط قلب ایلدیکی او

بیوک پای تحت صلیبیون طرفندن اسیر ایلمک ایسته نلیدی

استانبولده بولنانلر خاطر لړ که ۱۶ مارت کونی بتون جاده لرده

دول ائتلافیه نک عسکر لری نمایش یاییور ، بتون دریدنا .

و وطنلری مقدس جامعله طوعصری طوبی چورمش ،

طیاره لری بتون استانبولک آفاقده جولان ای دیور ،

مملکتیمزه قارشئ قلباً مر بوط اولانلر اغلایور ، دشمنلریمز

سوینبوردی . بو وضعیت قارشو سنده بونی ده اعتراف

ایتملی بز که افندیلر ملتیزک بر قسمی استقبالدن دخی امیدینی

کسمک اوزره بونلور لردی . فقط بر قسمک قلبنده

شعله امید ایله بتون عالم اسلامک قورنیهل جنی ، الی الابد

مسعود اوله جنی تمینیاتی پار لایوردی (آلفیشلر) و اوکون

دخی عزیمی وقوتی انکساره اوغرامیسانلره قارشئ

بیوک بر امید ایله ربط قاب ایدنلر بتون عالم بشریته قارشئ

باغیر دیلر . بز اساتی صورت قطعی ده رد ای دیوروز ،

مستقل اوله رق یاشادق ویاسیایه جفز بو یزم حقمز در دیدیلر

(آلفیشلر)

رجا ایترم بتون اسلاملر ایچون بیوک بر کون دکلید ؟

(های های سسلسلری) او حالده بو کونک لایق اولدینی

موقع تجیل حقنده فضله سوپله مینه حکم (براوو جلال بك سساری)

شکری بك (طرزون) - افندیلر حسیاتکنز کرکین ولدینی ایچین . رجا ایدرم ، بنده کزی سکونته دیکله یه جکسکنز . آرقداشلر مزك برسسی بوکونی مملکت ایچین برملی بایرام یا بمق ایسته یور . بونلرک اجتهادی و بوکونک بیوکلیکنی هپمز تصدیق ایدرز . یالکسز ظن ایدیورم که بایرام عمومک ، هیچ اولماسه برستف التمه بولان وعین غایه یه طوغری یور وین کیسه لرک تقدیر ایتدیکی برکون بایرام اولور . حتی عموم ملت تقدیر و تصویب ایتدیکی بوکون بایرام اولور بوکونک قیمتی بو قدر دیمک ایسته میورم بوکونک قیمتی چوقدر . بوکونک قیمتی غایت بیوک و غایت مبعجلدر . فقط بز بورایه طویلاندق . بز ی انکلیزلر کوندردی . اونی قبول ایدیورم . بك افندیسک سوزیله .

یحیی غالب بك (قیرشهر) - ظاهر اولان برشی انکار اولنه ماز بن وهی افندی یه سوپله دم سزه سوپله میورم .

علی شکری بك (طرزون) - مساعده بیوریکز رجا ایدرم . وهی افندی ورفقای کرامی ملتک متخبرلی طرفدن بورایه کوندرلمشدر .

رئیس - او مسئله قیامشدر . رجا ایدرم تکرار آچایکز افندم .

علی شکری بك (طرزون) - افندیلر باقیکنز نه دیورم (کورولیلر) دیکله میورسکنز که رجا ایدرم .

رئیس - سوزینی کیری آلدی . مسئله قیامشدر .

علی شکری بك (طرزون) بورایه هر کسی ملت کوندرمشدر . وهر کس بوراده وظیفه وطنیه سنی ایفا ایده جکدر . دها ظن ایدیورم که بز مجاهده مزك بدایتنده بز . بوئمه طاقیمق ایسته نیلن اسارت خالق سنی آتمق ایستدوروز ، وانه جقز . فقط بوکونمی ؟ یارنمی ؟ برسته صکره می ؟ اونی اه بیلیر . صکره بورایه طویلانان تزلرک یابه جنی بک چوق ایشلر واردر . ایشی عموم ملت

یابدینی حالده اوموقیت دوغربدن دوغری یه بز می عاشره ؟ مثلا براردونک موقیتی بر قوماندانه عاشری اوله جق ؟ مجلس کندی کندینه بن شوایشی یاپدم . ۲۳ نیسانده بوراده طویلاندیغ کون ایچون بوکونی بایرام یاپورم ، بوکونی سزد . بایرام یایسک دیمک موافق دکلدر . ظن ایدیورم .

فیضی افندی (ملاطیه) - بک یا کلش سوپله یورسکر علی شکری بك (طرزون) - بم اجتهادم یا کلش ایسه کلیر سوپلر سکرز .

افندیلر ! بونی ملت اسارتدن قورتیلوب استانبوله قاوشدینی ادرنه سنه از میرینه قارشیدینی ، بروسه سنه قاوشدینی ، زمان کندیسی یابه جقدر . بز ی بومظفرتلره ، یوموقیتلره نائل ایدن ۲۳ نیسانده شوره طویلانان ملندر . بونی ملت یابه جقدر . ملت قدر شناسدر . کندیمز بونی تکلیف ایتک موافق دکلدر . کندی کندیمزه تسلیدن بشقه برشی دکلدر .

صوکره افندیلر ! اوکزده غایت خطرناک ، فقط امیدسز دکلم ، یورویه جک یولر مز واردر . و بو یولاری انشاء عزیمکارانه قطع ایده جکز و یورویه جکمز فقط رجا ایدرم . حسیات ایله اوغراشمیم . برطاقم حس تظاهرات ایله وقت کچیریم . یابه جقمز ایشلر بک چوقدر . بودجه لر مز ی هنوز تصدیق ایتدک . بوکون مهندسلر ، قوندوکتورلر پاره آیلورلر . فقط ایش کورمیو لر . بز بوراه بودجه بی یاهر ق آنلره ایش کوردریم . هپمزک وظیفه سی بودر . بونی ؛ صوکره غایه نک استحصالی کوننه براقلم . و ملت کندی کندینه بز ی ومقدس غایه سنه واصل ایدن بوراده طویلاندیغمز کونی تجیل ایتسون وشلک یایسون .

یحیی الدین بها بك (روسه) - افندم ۲۲ نیسان ایله ۲۳ نیسان آرمسنده کی فرقی دوشونمک بوکونک ملی بر عیب کونی اولوب اولدیغنه دائر قطعی قرار ویرمک ایچون ائی بروسیله اولمشدر .

۲۲ نیسانده زه خانات ایش ، مقام عالی خلافت و سلطنته تسلط ایش بر آدم و اونک عربی

واردی . ملت باشسزدی . خارجه کی حکومتلر ماتی
 قورتارمق ایچون اوکه آتیلحق ایچین اورته به آتیلان
 کیمسه لره ، قهرمانلره عاصی دیبورلردی . موقع قایمق
 ایچون اورته به آتیلحق برطابق آدملر دیبورلردی .
 بناء علیه ملتك باشنده کیمسه یوقدی . ملت رسماً
 طانمش بر حکومته مالک دکادی . هر کس بوایشک نه
 اوله جفی حقهده کندی کندینه دوشونبور . آغلايور
 وبر لر یله در دله شیورلردی . کیم کلوبده بوملتی قورتاره جق
 ديه هر کس ایچین ایچین آغلايوردی . ۲۳ نيسانده ملت
 وکیللری کوندردی . اووکیللر بوراده طوبولار نه ق
 ملتك حسیاتنه ، افکارینه تر جان اولدیلر . هیچ بر زمان
 ملتك هیئت عمومیه سنه دائر سوز سوبله مهین ملت بوراده
 ۲۳ نيسانده ایلك سوزنی سویلیدی . و بودعو ای ملی به
 آتیلدی افندیلر ؛ یاپاجفی شیلری تقریر ایتدی و بر
 سنه دن بزی بونلری یامیشدر . یوقدن بر اردو چیقاردی
 داغیلان ماتی بر آره به طوبولادی . ملتك باشنه مسلط اولان
 خلیفه نی اوراده یالکیز بر اقدی . مسلمان طانی و خانی
 یورایه ربط ایتدی . بر مسلمان حکومتی سفیرنی یورایه
 کوندردی (آلقیشلر) اولسی کون اوئی یورایه کتیرتک
 بتون اسلام عالمنک نظر اید . و آمانی بو مجلسه و بو آنا
 وطنه ربط ایتدی . بنساء علیه یالکیز تورکلرک ، یالکیز
 آناطولینک دکل بتون اسلام عالمنک حیاتی ، استقبالی
 قورتاره جق بر ملتك تمللری ۲۳ نيسانده آتدی افندیلر ؛ (براوو
 سسلری و آلقیشلر) افندیلر ؛ کچن سنه به باقارسیکیز بوبرسنه
 بزم دکل بزی یورایه کوندرنلرک کوسلرینی قبارنا جق بر فخر در .
 بزبو کونی یوم ملی عدایمکله شرفی کندیمزه حصر ایتدوروز
 بز نه یایدق ؛ یاپان ماتدر . بز وظیفه و کالتیزی لازم اولدیغی
 کبی یایمق صورتیه مؤکلر منک حضورینه ، چیقوبده
 محجوب اولماز سهق بزم ایچون مدار افتخار اوله جق بودر .
 فقط بو کونی یوم ملی یایمق شرفی ، بو کونی یوم ملی
 طانمق شرفی ماته عاندر . بن هیچ بر زمان بو کرسیدن
 بر مبعوث آغزندن ایشتمک ایسته مزدم که دها بزنی
 یایمق . نتیجه مزه واصل اولادن . نتیجه مزک نه اوله جفی
 نه بیلیوروز ؛ بیلیوروز افندیلر ، نتیجه مز مظهر اولمقدر .

بناء علیه یامظفر اولمقدر ویا اولمکدر . فقط اولیه جکر .
 اولیه جکیزی اثبات ایتدک ودهاده ایده جکر . یوقدن
 اردولر چیقاردیکیز . طرناقلریله سلاحلر یاپان عمللر
 وجوده کتیردیکیز . صنعتکار اولمان بوملکستده و قاربه لری
 اولمان بو ملکتده فایزقلر وارمش کبی آثار فوق العاده
 وجوده کتیردیکیز . یمین ایتدیکیز . افندیلر ؛ مظهر
 اوله جقسکیز ، مظهر اوله جقسکیز . بناء علیه بوملی
 یازمی اوچ سنه صکره به تأخیره لزوم یوقدر . بو کوندن
 اعتباراً عالمه اعلان ایده جکسکیز . ديه جکسکیز که برسنه دن
 بری یایدیغمز شیلر میدانده در . بناء علیه ۲۳ نيسان کونی
 بوملتک حر و مستقل آناطولینک مؤبدأ ملی برابر امیدر .
 (مذا کره کافی تقریرلر او قونسون سسلری)
 مفید اقدی (قیر شهر) — بو کونک ۲۳ نيسان
 اولدیغی کونه مصادف اولسی و محترم آرقداشلرم بو
 کرسینک بر اجتهاد کرسیسی اولسی مناسیتیه بو کرسی به
 چیقوب سوز سوبله یین آرقداشلرک اجتهادی خطا بیله
 اولسه متاب اوزره قبول ایدیلیدر . بو کون قسطیا و قاطبه
 متحسس اولق لزومی یوقدر . آتیق عرض ایده جکم
 بر نقطه واردر که بو نقطه یورایه ۲۳ نيسانده اجتماع
 ایدن بو مجلسی و بوبوک ملت مجلسنی تشکیل ایدن محترم
 اعضا قرار وردی که بوملت استقلالی عنایت باری و
 امداد پیغمبری ایله قورتاره جق ، بناء علیه بونی قور -
 تارمدقچه داغ باشنده بر فردی قاله سی به قدر حالیشه جقدر
 دیدی . بو صورتله استقلال ملیغی قورتارمیش اولدی
 افندیلر ؛ (آلقیشلر) بو صورتله قرآن کریمه یورپیورکه
 حیم هر مسئله حقهده مشورت ایتدکن صکره اومسئله
 مشورتک اجرا سنه ده قرار ویردکن صکره اللهم متوی
 اولارق یورو ، الله سنکله برابر در . بز یوقراری بوراده
 متحدأ و متفقاً ویردک بز بوعزمزدن دویمه جکیز ؛ ایشنه
 بو موفق اولدیغمه بز براعت استمالدر . افندیلر ؛
 بو کون بر عید ملی اولسی لازمدر . یالکیز شو نقطه نی ده
 عرض ایتمک ایسترم که ایکی کون اول افغان سفیری سلطان
 احمد خانی استقبال ایچون کتمش ایدم . او ذات
 دیمشدی که الی یدی کوندر ۲۳ نيسانده نیشتمک ایچون

شدرحل ایدرهك كليورم . بني جناب حق موفق ایلدیکندن . سرورم وافغان هیئت اسلامیه سیده سروردره . بوملته پایدار اولاجقدر دیور . ایشته عید ملی اسلام اولان بوکونی تقدیس ایتلی و بوکونی هر بایرامدن دها محترم اولارق قبول ایتلی ز افندیلر . (شدتلی آقبشلی) رفیق شوکت بك (صاروخان) — بنده کز امید افندی حضرتلرینک تمامیله قاعتلرینی تشریح ایدن وحسیاتمه تماماً تر جان اولان سوزندن صکره هیئت محترمه کزه ایکی گله ایله مقصدی ایضاح ایده جکم . افندیلر ! ارقداشلره برابر بونک بالاتفاق قبولی تکلیف ایتدک ضبطنامه لرمن موجود ، اک اوفق مسئله لدره اوزون مناقشه لر یابدق . فقط افندیلر هیچ بر مسئله دن دولایی اصلا و اصلاً اتحاد و اتفاق دن هیچ بر زمان آیرلیدق . بوقه نک آلتده نه زمان که ملته حیيات بخش ایده جک بر مسئله موضوع بحث اولدی ایسه هیچ بر کیمسه ال قالدیرمق زحمتدن کندینی اسیر که مدی . عینی امید و عینی مقصد ایدی که قوجه تاریخی انجیا ایتک شرفی قوجه بر تاریخی تجدیداً یشاتمق وظیفه سی اوزرینه آن مجلسمنز بوکونی البته و البته تقدیر و تقدیس ایده جک و بونی احفادینه یادگار براقه جدر او قاعته ایدی که هیئت جلیلیه بالاتفاق قبولی تکلیف ایدم . بو تکلیفی قبول ایچین آرازده بر کیمسه یوق . یالکز موفق اوله لم غایه مزه اوندن صکره دیبور افندیلر غایه ملیه نک حدودی یوقدر (دوغری سسلری) هر کیم غایه ملیه پی تحدید ایتشه او آدمک علمی فایت نقصاندر . بز بوتون بوملله موفق اولورسه ق رجا ایدرم محدود دائره ده قالا جقمی بز ؟ غایه مزده لایتناهی لکلر وارد . افسندینر رجا ایدرم غایه ملیه میز استحصال ایچون آندیغمز آدمک شرفی حرمتنه بونی بر تاریخ قدسی ایله تئیت ایتکله مکلفز مسئله بوندن عبارتدر . اوچ کون صکره بیکی ظفر لر ، بیکی حیاتلر قارشوشده بیکی بایراملر یا پیه میز کی منع ایده جک ! صوکره علی شکر کی بکک دها تمامیله موافق اولدق سوزی غیر وارد اولقله برابر چوق شیلره موفق اولدیغمی

اونو تمایه لم افندیلر قارشومزده برارنسته تانی احما ایتدک . تمراضاتی منع ایتدک و بزدن آریلان قارداشلر میز کنندی بو والر مزه کنندی آشیانه لر میزه آملقله ظفر یاب اولدق . افندیلر یوره کرمزده و عزیم ظفر او یله ایمان قوی یشاتدق که بتون بوشر فلرک ، بتون بوموقفیتلرک ایلك مبدای ۲۳ نیساندر رجا ایدرم بونی قبول ایتکده نه مانع وارددر ؟ اونکچون بنده کز بونک متفقاً قبولنده بیوک بر فائده موجود ظن ایدیورم و هیئت محترمه دن بو تکلیف ایتک متفقاً قبولی رجا ایدرم (کافی سسلری) (دوام سسلری)

✶ رفیق بك (قونیه) — افندم اساس مسئله لایقيله تنور ایتدی . بنده کز چوق سویله جک دکلم . یالکز بوتاریخی ومهم برکونی ادراک ایتدی کمز زمان خاطر مه بر چوق شیلر جانلانمشدر . بنده کزدن اول سوز آنان رفقای محترمه م قسماً حسیاتمه تر جان اولدوغندن کندیلرینه تشکر ایدرم . آنجق افندیلر منتظم بر تاریخه پارلاق وشعشه دار بر حیاته مالک اولان ملت مز حقتده دشمنلرک بر قناعتی وارددر . اونلر دیبور لر که تورک ملتی لایق استقلال دکلدرد . افندیلر بکر می اوچ نیسان تاریخدن اول دشمنلر مزک بز حقمزده مهادیاً سویله دکری بوسوزی ایشته بومعظم کونی ادراک ایتکله تکذیب ایدیوروز . بونی بوکونک اجتماعی حل ایتددر و آکلاتمشدر که تورکلر عصرلردن بری استقلاله صاحب اولش و او تاریخی محافظه ایتش ، قانی آقیمقدن ، موجودیتنی قورومق خصوصنده هر فدا کارلنی اختیار دن چکنه مشدر . افندیلر بوکون بوسوزی بوراده سویله تن ۲۳ نیسان اجتماعک فیاض نتیجه لریدر ظن ایدرم . اساساً بونده نقطه نظر اختلاف دن باشقه بر مسئله یوقدر . بوکونک اعیاد ملیه مزدن بری اولق اوزره قبولی رجا ایدرم و اساساً مسئله ده تنور ایتدی . فضله سوزده سویله میه جکم . (کافی سسلری)

رئیس — مذاکره بی کافی کورنلر لطفاً اار قالدیرسون مذاکره کافی کورولدی .

تکلیف قاتونی
ماده ۱ — تورکیا بیوک ملت مجلسنک ایلك بوم کیشادی

اولان ۲۳ نيسان اعياد مليه دندر .

طونه لي حلمي بك (بولي) — افندم ملي بايرامدر .
توركيجه اولسون .

رئيس — افندم رايكزه عرض ايدييورم .

عبدالقادر كالي بك — افندم ملي بايرام اولسون .

رئيس — افندم ملي بايرام شكلكنده تصحيحات تكليف

اولنيور .

ماده يي (ملي بايرام) شكلكنده قبول ايدنلر لطفآ ال

قالديرسون . قبول ايدلدي افندم .

ماده ۲ — تاريخ قبولندن معتبر اولان اشوقا تونك

اجراسنه بيوك ملت مجلسي مأموردر .

رئيس — قبول ايدنلر لطفآ ال قالديرسون . قبول

ايدلدي . هيئت عموميه سني قبول ايدنلر لطفآ ال قالديرسون .

قبول ايدلدي . افندم شمدي قبول ايتديككز قانون

موجبجه بازار ايرتسي كوني اجتماع ايدلك اوزره جلسه يي

تعطيل ايدييورم .

